

DE NVPTIIS PAVLLI

S F O R T I A E E T L V

C R E T I A E P I A E

A C H I L L I S T A T I I L V S I T A N I

C A R M E N .

Extulerat roseas ueniens aurora quadrigas
Spargens mane nouum terris, quo laetius ullum
Gens **P I A** non umquam, non **S F O R T I A** uiderat ante.
Cum iuuenis, nec Enim longam noua cura quietem
Nocte dabat, thalamo surgens e coelibe, secum
S F O R T I A D E S, salue ante alias o debita votis
Lux ait alma meis, tot post uoluentibus annis
Quae requiem curis, Sperata q. gaudia tandem
Vna uehis mihi, namq. **P I A** de gente' propago
Insignis, forma q. potens **L V C R E T I A** limen
Hoc superans, cupidi in gremio deducta sedebit.
Illam casta Venus, dulces q. sequuntur Amores,
Illam uirgineus pudor, & comitatur Euntem
Numquam non triplici circumdans Gratia nodo.
Haec memorans simul & spem alit, aegrescit q. loquendo,
Vrunt tot q. faces miserum, quot dicere laudes
Vs q. iuuat merita, incusat noctem q. morantem,
Et lentum aetherio cedentem limite Phoebum,
Ire dies toto q. uidetur longior anno.
Aureus albeni donec successit Olympo



Hesperus, & toto sparsit uaga sidera mundo.
Pressit Et uementes uirgo Latio bigas.
Interea lecti iuuenes, lectae q. puellae
Hinc atq. hinc glomerantur, auct pars illa marito
Multa nouo, pars illa nouae cecinisse maritae.
Mox liquido tales fuderunt gutture uoces.
Dulcis Hymen Hymenae' ueni, te plurima teda,
Te domus alta uocat aulaeis strata superbis,
Et geminae Varijs halantes floribus arae,
Et iuuenis, quo non animi praestantior alter,
Coniugis ipse nouae magno percussus amore.
Hymen o Hymenae' Hymen ades o Hymenae'.
Dulcis Hymen Hymenae' ueni, te plurimus ignis
Iam pridem increpitat serum in penetralibus altis,
Assyrio late fragrans & odore cubile,
Longaeuusq. parens sponsae simul, & pia mater.
Hesperijs te sponsa manet praelata puellis.
Hymen o Hymenae' Hymen ades o Hymenae'.
Sponsus auis atauisq. potens, quo sanguine creti
Innumeri q. duces, & ierunt ordine reges.
Quorum uictrices decorant capita ardua lauri
Stant memores, parti q. domo procul ante triumphi
Huc agedum fer diuē pedem, fer lumen amicum,
Hymen o Hymenae' Hymen ades o Hymenae'.
Magnorum ipsa Etiam regum **LYCRETIA** sanguis,
Cui genus antiquum ab diuis, & nomine clarum
Caesareo, ipsa Etiam veteres heroidas aequat

Et genere, & forma praestanti, & moribus aureis.
Huc tua succensam quatiens insignia pinum
Hymen o Hymenae' Hymen ades, o Hymenae'.
At **PAVLLVS** fratri **ASCANIO** carissimus, illum
Nam iuuenem patrio semper dilexit amore
ASCANIVS flos purpurei sancti q. Senatus,
Et decus omne suis, quo non seruantiore aequi,
Non placidus magis, et Musis non gratior alter.
Hymen o Hymenae' Hymen ades o Hymenae'.
Et mira **RODVLFVS** amat pietate sororem,
Vtq. parens gnatam ipse acui maturus, & ipse
Lux, & purpurei spes semper fida Senatus
RODVLFVS, mitis cuius sapientia, cuius
Virtus clara **PIAE** genti decus addidit ingens.
Hymen o Hymenae' Hymen ades o Hymenae'.
Iam tandem clauso lusus agitate cubili
O iuuenes, nunc o ualidam Exercete iuuentam,
Et dignam tantis subolem maioribus olim,
Atq. in **SFORTIADVM** merito date nomen ituram.
Scilicet ut uocitet vos circumfusa parentes
Laeta cohors natorum, & qui nascentur ab illis.
Hymen o Hymenae' Hymen ades o Hymenae'.

